

gantur; Ceremoniale Episcoporum monet necessarios ad id officiales deputandos: de consensu igitur Rñorum Patrum, quosdam Synodales ad varia officiorum Concilii munera religere decrevimus. Constituimus itaque:

Iudices Synodales:

Adm. R. D. D. Ioseph Ioachim Uria, Decanum et Vicarium Generalem,

Adm. R. D. Antonium Plancarte et Labastida, Abbatem S. Mariae de Guadalupe,

R. D. D. Ambrosium Lara, Provisorem et Canonicum,

R. D. Lic. Franciscum Xav. Jainaga, Canonicum.

Promotorem:

R. D. D. Antonium a J. Paredes.

Secretarios:

R. D. D. Leopoldum Ruiz, Poenit. Guad.

R. D. D. Ioannem Herrera.

Notarios:

R. D. D. Franciscum Orozco,

R. D. Franciscum Gomez Plata.

Caeremoniarum magistros:

Adm. R. P. Fr. Maximum Jurado,

R. D. D. Franciscum Orozco,

R. D. Emmanuel Jaime,

R. D. Michaelem Contreras,

R. D. Emmanuel Orvañanos. — Datum Mexici etc.

Lecto decreto de fidei professione emittenda, Metropolita elata voce sollemnem fidei professionem emissit; ceteri omnes deinde idem peregerunt.

Post lectionem omnium decretorum Secretarius perlegit Catalogum Synodaliū, qui omnes adstantes erant, scilicet:

ILLMUS AC RMUS D. D. PROSPER MARIA ALARCON, ARCHIEPISCOPUS MEXICANUS.

ILLMUS AC RMUS D. D. RAYMUNDUS IBARRA ET GONZALEZ, EPISCOPUS CHILAPENSIS.

Consultores eiusdem:

R. D. Titus Miranda,

R. D. D. Franciscus Orozco.

ILLMUS AC RMUS D. D. IOSEPH M. ARMAS, EPISCOPUS TULANCINGENSIS.

ILLMUS AC RMUS D. D. FORTINUS HIPPOLYTUS VERA, EPISCOPUS CUERNAVACENSIS.

Consultores eiusdem:

R. P. Laureanus Veres S. I.

R. P. Stephanus Anticoli S. I.

ILLMUS AC RMUS D. D. IOACHIM ARCADIUS PAGAZA, EPISCOPUS DE VERA CRUZ.

Consultor eiusdem:

R. P. Ignatius de la Borbolla S. I.

PROCURATOR ILLMI AC RMI D. D. FRANCISCI M. VARGAS, EPISCOPI ANGELOPOLITANI.

R. D. Vitus Modestus Barreda Canonicus Poenitentiarius Cath. Angelopolitanae (1).

Procuratores Capituli Metropolitanī:

R. D. Canonicus Lic. Vitus Cruz.

R. D. Canonicus Lic. Paulus a I. Sandoval.

Procuratores Capituli Angelopolitani:

R. D. Canonicus Lectoralis Ioseph a I. Castillo.

R. D. C. Poenit. Vitus Modestus Barreda.

Procurator Capituli Tulancingensis:

R. D. Canonicus Franciscus Campos.

Procurator Capituli Ialapensis:

R. D. Canonicus Franciscus Correa y Diaz.

Procuratores Capituli Collegiatae Guadalupensis:

R. D. Canonicus Lic. Vincentius de P. Andrade.

R. D. Canonicus Theologus D. Aristaeus Aguilar.

R. D. D. Emmanuel Solé, Pro-Cancellarius Pont. Univ. Mexicanae.

(1) Processioni huius diei interfuit ipse Rñus Episcopus Angelopolitanus, sed aegritudine qua tenebatur statim discedere coactus est.

R. D. D. Canonicus Gerardus Herrera, Seminarii Mexicani Rector.

R. D. Canonicus Ioseph Bernardus Fuentes Sem. Angelop. Rector.

R. D. Titus Miranda, Sem. Chilap. Rectoris Procurator.

R. D. Canonicus Emmanuel Piña, Sem. Tulancing. Rector.

R. D. Ioseph S. Gonzalez, Sem. Cuernav. Rect. Procurator.

A. R. P. Ioseph Alzola, Prov. S. I.

R. P. Franciscus Labastida, Praep. Congr. Oratorii.

R. D. Ildephonsus del Moral, Visitator Presbyteror. Missio- nis a S. Vinc. a Paulo.

R. D. Dominicus Solá, Prov. Congr. SS. Cordis Mariae.

A. R. P. Fr. Maximus Jurado Prov. Ord. Eremit. S. Au- gustini.

A. R. P. Fr. Aegidius Tenorio, Prov. Ord. B. M. V. de Mercede.

A. R. P. Fr. Nicolaus Arias, Prov. Ord. Praedicator.

A. R. P. Fr. Augustinus Miranda, Prov. Min. Observ.

A. R. P. Fr. Ioannes Rivero, Prov. Franciscanorum S. Didaci.

A. R. P. Fr. Raphael Checa, Prov. Ord. Carmelitar.

Officiales Concilii.

Promotor :

R. D. D. Antonius a I. Paredes.

Secretarii :

R. D. D. Leopoldus Ruiz, Poenit. Guad.

R. D. D. Ioannes Herrera.

Notarii :

R. D. D. Franciscus Orozco.

R. D. Franciscus Gomez Plata.

Iudices Synodales :

Adm. R. D. D. Ioseph Ioachim Uria, Decanus Eccl. Metrop. et Vicarius Generalis.

Adm. R. D. Antonius Plancarte y Labastida, Abbas S. Ma- riae de Guadalupe.

R. D. D. Canonicus Provisor Ambrosius Lara.

R. D. Praebend. Lic. Franciscus Xav. Jainaga.

Caeremoniarum Magistri :

A. R. P. Fr. Maximus Jurado.

R. D. D. Franciscus Orozco.

R. D. Michael Contreras.

R. D. Emmanuel Jaime.

R. D. Emmanuel Orvañanos.

Ceteri Concilii Consultores :

R. D. Canonicus Lic. Vincentius Estrada.

R. D. Canonicus Lic. Emmanuel Herrera.

R. D. Praeb. Lic. Samuel Arguelles.

R. D. D. Melesius a I. Vazquez, Cancellarius Metropolitae.

R. D. Lucius Estrada.

R. D. Antonius Icaza.

R. D. Crescentius Rivera Soria.

R. D. Dominicus Macias.

R. D. Emetherius Valverde Tellez.

R. D. Matthaeus Palazuelos.

R. D. D. Michael Muñoz.

R. D. Lic. Franciscus T. Gordillo.

R. D. D. Philippus Pineda.

R. D. D. Ioseph M. Mendez.

R. D. Lic. Alphonsus Villagran et Herás.

R. D. Iulianus G. Villalain.

R. P. Ioseph Soler S. I.

R. D. D. Daniel L. Escobar.

R. P. Aloysius Guisasola ex Congr. Oratorii.

R. D. Crescentius Torres ex Congr. Missionis.

R. P. Fr. Secundinus Martinez Ord. Praed.

R. D. Ioseph M. Vilaseca, e Congr. S. Ioseph.

R. D. Angelus Piccono, e Congr. Sales.

R. D. Pontianus Perez.

Ostarii Concilii :

R. D. Ignatius Aguilar.

R. D. Henricus Mondragón.

Secretarius deinde legit decretum indictionis proximae ses- sionis sollemnis in diem decimam Septembris: Notarius a Pro-

motore monitus fuit ut acta horum conficeret. Dein per Promotorem Metropolitana omnes certiores fecit se nuntium telegraphicum ab Eñno Card. D. Mariano Rampolla, SS. Domini N. Leonis XIII Status Secretario accepisse, per quem significabatur Sñum libenter concessisse Benedictionem Apostolicam pro Concilio inito facultatemque facere ut Papalem benedictionem in ultima Concilii sessione elargiretur Metropolitana. Excñus ac Rñus D. D. Visitator Apostolicus a Metropolitana invitatus ut Concilio interesset significavit se ab hoc prohiberi multis curis sui muneris.

Acta II sessionis sollemnis die 20 Septembris.

In Sacra Metropolitana Ecclesia hora 8 matutina conveniunt Rñi Episcopi et Synodales. Sacrum sollemne litavit Rñus Episcopus Ialapensis. Sacro peracto, e suggestu concionem ad populum habuit Episc. Chilapensis, pluviali indutus et mitram ferens. Haec ferme sunt quae dixit: Ostendit in primis huius Concilii celebrationem, ad opus eximium in Ecclesia et ad mores corrigendos, ad ecclesiasticam disciplinam restabiliendam, initam fuisse sub auspiciis Bñae Virginis de Guadalupe: quia ipsa postquam corona aurea fuisset circumornata S. Pontificis nomine, viam stravit ad hoc Concilium celebrandum. Multa equidem in eo ad laudem Dei et commodum animarum tractata, quae non opus est referre, sed de aliquo inibi sancito libet loquendum, nimirum de Sacris Missionibus fovendis in hac Nostra Republica; Excellentiam Catholicarum Missionum in primis ostendit ex eo quod Christo Domino in deliciis fuissent, cum in terris versaretur. Utilitatem ex ipsis perceptam ex ipsis a populo Christiano, ut ostenderet, aliquid ex transactis saeculis lustravit; nimirum ex quinto, octavo et decimosexto; nempe ea per summa capita retulit, quae Missionarii in bonum Nordicarum Gentium, in Anglia, Suevia, Slavia et alibi peregerunt. Sed praecipue retulit quae hic peregerunt Missionarii, in nostra hac Republica. Nunc vero, iam hic instituto Collegio Missionariorum, oportet omnino ut omnium auxiliis coadiuvetur. Post concionem cetera ex ritu praescripta peracta sunt. Hinc omnes perrexerunt ad Aulam Capitularem, ubi lecta sollemniter

fuere decreta omnia primae partis Conc. Assensum Episcoporum exquisitum a Secretario fuit; et omnes consentientes in omnibus fuere. Post haec omnes reversi sunt ad Altare Maius: Secretarius, post PP. approbationem, legit decretum indicens proximam futuram sessionem sollemnem. Dein Metropolitana sollemnem benedictionem impertitus est.

Acta III sessionis sollemnis die 4 Octobris.

In sancta Metropolit. Ecclesia hora 8 matutina conveniunt Rñi Episcopi et Synodales. Hoc anno praedicto die celebrabatur Solemnitas Rosarii B. V. Mariae, et erat Dominica 19 post Pentecostem: Sacrum sollemne litavit Rñus Episcopus Chilapensis. Eo peracto et Psalmo, Evangelio ac ceteris expletis, e suggestu concionem populo adstante habuit Rñus Episcopus Tabasquensis. Textum adhibuit hunc, « Sacramentum hoc magnum est, ego autem dico in Christo et in Ecclesia » Sermo versatus est circa excellentiam Matrimonii Christiani, circa obligationes sanctissimas coniugum, circa vigilantiam parentum adhibendam in tuendis antequam matrimonium celebretur iuribus tum religiosis tum civilibus praesertim sponsae. Germanam doctrinam exposuit de origine, natura et aliis huius sacramenti: loquutus etiam fuit de civili caeremonia quae matrimonium civile vocatur. Post concionem omnes processionaliter de more ad Aulam Capitularem perexerunt ut lectio haberetur sollemnis decretorum quae ex duabus sectionibus II partis huius Concilii discussa et approbata fuerant. *Placet* Patrum solemniter emisso, omnes ad altare maius reversi sunt, ibique Metropolitana per Secretarium sequentem sessionem indixit in diem 12 Octobris anniversariam sollemnem Coronationis B. V. Mariae de Guadalupe, in eius perinsigni Collegiata, ac sollemnem benedictionem iuxta ritum et morem omnibus impertitus est, ac omnes in pace discesserunt.

Acta IV sessionis sollemnis die 12 Octobris.

Quandoquidem hac die recurrat anniversaria dies qua huius Reip. Mexicanae populo plaudente percelebris atque mira B. V.

Mariae Guadalupensis Imago aurea corona Summi Pontificis nomine sollemni ritu fuerat redimita, hinc Patribus placuit faustissima hac recurrente die, sollemnem habere Concilii sessionem in ipsa Collegiata Guadalupensi, eo vel magis quod aliqui ita eiusdem Imaginis cultum et traditionem impetere aggressi sunt, ut nihil amplius in votis habeant quam religionem Mexicanorum erga tantam Patronam delere. Templum perinsigne a maioribus exstructum in praesentiarum vero perbelle et magnifice instauratum replebat ingens multitudo populi. Patres et ceteri synodales processionaliter incesserunt per mediam Ecclesiam usque ad altare maius. Metropolita postquam Sacrum sollemni ritu celebravit, Antiphonam *Exaudi Domine* intonavit, et Psalmum *Salvum me fac* schola decantavit. Post Evangelium Episcopus Chilapensis concionem ad populum habuit e suggestu: in ea vero eleganti sermone demonstravit fundamenta solidissima quibus et nostra et maiorum devotio erga B. V. Mariam Guadalupensem innititur. Finita concione omnes processionaliter perrexerunt ad Cappellam ubi asservari solet SS. Sacramentum, ibique a Secretario perlecta fuerunt decreta omnia II sectionis secundae partis, necnon decreta quae de cultu B. V. Mariae de Guadalupe agebant. Solitis coeremoniis PP. declararunt decreta ibi lecta sibi placere: indicta fuit deinde proxima sessio sollemnis in diem 25 Octobris, quae est Dominica 22 post Pentecosten. Denique sollemnem benedictionem Metropolita impertivit.

Acta V sessionis sollemnis die 25 Octobris.

Omnibus de more in Ecclesiam Cathedralem convenientibus sacrum sollemne celebravit Rñus Episcopus Cuernavacensis. Post Antiphonam, Psalmum et Evangelium, Metropolita intonavit *Veni Creator*. Deinde R. D. Episcopus Veracruzensis seu Ialapensis concionem habuit in qua postquam nonnulla attigit de gravissimo Episcoporum officio, demonstravit magnam et specialem curam habendam de indis: inter media vero quae Patrum sapientia ac consilio excogitanda erant ad indorum culturam et christianam institutionem, non spernenda certe erant haec, Sacerdotum ferventiorum missiones permanentes et insti-

tutio scholarum speciatim pro ipsis indis, et praesertim pro puellis, in quibus linguam hispanicam ita edoceantur ut eam aequae calleant ac vernaculam. Expleta concione omnes in aulam Capitularem perrexerunt processionaliter, ibique a Secretariis legenda erant decreta quae duas sectiones III partis comprehendunt: quia nimis vero protrahebatur lectio omnium decretorum quae parata erant, relicta est lectio aliquorum pro feria VI proxime sequenti. Omnes PP. de more decreta omnia approbaverunt per *placet* sollemniter emissum. Deinceps Metropolita ad altare maius benedictionem sollemniter impertivit.

*Acta sollemniū exequiarum pro Episc. defunctis,
feria VI post Dominicam 22 post Pentecosten,
quae incidit in diem 30 Octobris.*

Hora 8 matutina omnes Cathedralem Ecclesiam convenerunt: expleto Officio Defunctorum Missam solemnem celebravit Rñus Episcopus Tulancingensis. Post Missam Rñus Episcopus Potosiensis funebrem orationem habuit in qua virtutes celebravit omnium Episcoporum defunctorum, a IV Concilio Mexicano celebrato usque ad praesens, praesertim vero aggressus est laudes eorum, tum ob divitiarum et honorum contemptum, qui semper in eis elluxit; tum ob munus pacificatorum quo functi sunt perdurantibus tot dissidiis, bellis animorumque contentionibus. Expleta missa processionaliter omnes PP. et Synodales in aulam Capitularem se contulerunt, ibique per Secretarios Concilii lecta fuerunt decreta ex IV et V parte Concilii, item decreta quae in suspenso manserant quoad primae dignitatis, aliarum dignitatum, canonicatum ac praebendarum provisionem, necnon titulus ultimus Concilii de eius decretis. Omnia et singula patribus placuerunt. Dictis precibus gratiarum actionis, omnes dimissi sunt.

*Acta VI sessionis sollemnis, quae postrema extitit,
die 1 Novembris in Festo Omnium Sanctorum.*

Huic sessioni interfuit Excñus et Rñus D. Visitator Apostolicus. Processionaliter omnes incesserunt totam ecclesiam Cathe-

dralem percurrentes usque ad altare maius. Sacrum sollempni ritu celebravit Rñus Metropolita.

Finita missa ipse Metropolita intonavit Antiphonam, schola prosequente et cantante Psalmum. Dictis orationibus et cantato per Diaconum Evangelio, Metropolita intonavit Hymnum *Veni Creator*. Expleto Hymno, Promotor instavit promulgari decretum « De Testibus Synodalibus », quod de mandato Metropolitanae Secretarius legit. Promotor iterum instavit ut promulgaretur decretum « De subscribenda Synodo »: lecto decreto per Secretarium, singuli PP. accesserunt ad altare ibique decretis subscripserunt. Ad instantiam Promotoris promulgatum etiam fuit decretum « De indictione futuri Concilii » necnon et « De huius Concilii conclusione ».

Decretum de Testibus Synodalibus.

Prosper Maria Alarcon et Sanchez de la Barquera, Dei et Apostolicae Sedis gratia Archiepiscopus et Metropolita. — Libenter obsequentes antiquae Synodorum provincialium consuetudini, vi cuius, ex unaquaque Provinciae Dioecesi duo saltem seliguntur ecclesiastici viri, doctrina et probitate conspicui qui munere synodalium testium rite fungantur; sollempni hoc decreto de assensu Rñorum Patrum in testes synodales eligimus et rite electos palam declaramus: pro Archidioecesi Mexicana R. D. Provisorem Canonicum D. Ambrosium Lara et R. D. Canonicum D. Gerardum Herrera. Pro dioecesi de Chilapa: R. D. Petrum Moctezuma, Curiae Cancellarium, et R. D. Gavinum Acevedo. Pro dioecesi de Tulancingo: R. D. Archidiaconum Ausentium Herrera et R. D. Iosephum E. Spindola, Curiae Cancellarium. Pro dioecesi de Cuernavaca: R. D. Iosephum M. Vargas y Porras et R. D. Iosephum Guadalupe Gonzalez. Pro dioecesi de Veracruz R. D. Canonicum Franciscum Correa y Diaz et R. D. Canonicum Mutium a I. Arriaga. Pro dioecesi Angelopolitana: R. D. Archidiacon. Guadalupe Torres, et R. D. Canonicum Lic. Ioannem N. Guarnero. Horum testium erit ea qua par est diligentia animadvertere an in sua quisque dioecesi aliquid adhuc deprehendat corrigendum vel emendandum; inspicere etiam an minus provisum in aliquibus fuerit per huius

Concilii statuta: quae omnia ad nos et comprovinciales nostros in proximo Synodo significabunt. Episcopi vero singuli suos testes uberius instruent de commissi muneris officiis. Ut arctius vero hac obligatione gravissima testes synodales devinciantur, heic praesentes sollempniter vocamus ut ad requisitum iuramentum praestandum accedant. — Datum Mexici etc.

Post lectum hoc decretum Rñi Dñi Canonici Ambrosius Lara, Gerardus Herrera et Franciscus Correa y Diaz forma consueta iuramentum praestiterunt.

Decretum de Synodo subscribenda et eadem interpretanda.

Prosper Maria etc. — Cum Rñi Fratres Coepiscopi in sessionibus publicis, quas Deo adiuvante celebravimus, omnibus et singulis decretis rite promulgatis assensum praebuerint: Metropolitanici nostri officii est authenticum assensus praestiti urgere testimonium, idcirco metropolitana nostra auctoritate Rños huius Synodi Confratres Episcopos provocamus ut una nobiscum ad altare accedentes omnibus et singulis subscribant quae collatis fraternis consiliis in Domino decernere existimavimus. Si quod autem dubium emerit in huius Synodi statutis interpretandis, de consensu omnium Rñorum Patrum decernimus ad Metropolitanam recurrendum esse pro legitima interpretatione usque ad concilium provinciale proximum, salva tamen et integra auctoritate Ecclesiae Romanae, cui omnia et singula huius Concilii acta et decreta ea qua par est reverentia libenter subiicimus interpretanda, emendanda et prout in Domino visum fuerit confirmanda. — Datum Mexici etc.

Decretum de futuro Concilio Provinciali.

Prosper Maria etc. — Provincialia Concilia consueverunt sub fine cuiusque synodi proxime sequentem indicere: de assensu igitur Rñorum Fratrum Comprovincialium nostrorum, vi specialis privilegii a S. Sede Episcopis harum regionum concessi, decernimus proximum subsequens Concilium anno 1908 habendum esse, qui terminus libere contrahi possit si rerum adiuncta aliud expostulaverint. — Datum Mexici etc.